



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1167/13
Sarajevo, 28.5.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20.05.2013			
Organizaciona jedinica	Klasifikaciona oznaka	Redni broj	Broj priloga
05-50-1-		15-46	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 51. sjednici održanoj 28.5.2013. godine, utvrdilo je na prijedlog Ministarstva sigurnosti i Uprave za neizravno oporezivanje, pojedinačne odgovore na zastupničko pitanje koje je postavio Slavko Jovičić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo odgovore radi njihovih dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1167-1/13
Sarajevo, 28.5.2013. godine

Slavko Jovičić, poslanik u Predstavničkom domu Parlamentarne skupštine Bosne i Hercegovine, na 46. sjednici Predstavničkog doma održanoj 28.3.2013. godine, postavio je sljedeće poslaničko pitanje:

“Tražim od Savjeta ministara BiH da mi dostavi informaciju o broju službenih lica koja su zaposlena u institucijama BiH, kao što su radnici carinske službe, Granične policije, službenika Uprave za indirektno oporezivanje i drugih službenika, koji su u sprezi sa kriminalnim uvoznim lobijem oštetili Budžet BiH za više desetina miliona maraka.

U istom pitanju je i dodatak upućen Tužilaštvu BiH Upravi za indirektno oporezivanje koliko se ovakvih postupaka vodi prema ovakvim kriminalnim aktivnostima.”

Na postavljeno pitanje, Vijeće ministara Bosne i Hercegovine je na 51. sjednici održanoj 28.5.2013. godine, utvrdilo sljedeći

ODGOVOR

U vezi poslaničkog pitanja gospodina Slavka Jovičića, postavljenog na 46. sjednici Predstavničkog doma Parlamentarne skupštine Bosne i Hercegovine, obavještavamo Vas da se trenutno ne vodi ni jedan interni ili krivični postupak protiv službenika Granične policije Bosne i Hercegovine, koji se može dovesti u vezu sa uvozom kafe u Bosnu i Hercegovinu.



**BOSNA I HERCEGOVINA
VIJEĆE MINISTARA**

Broj: 05-50-1-1167/13
Sarajevo, 28.5.2013. godine

Slavko Slavuj Jovičić, poslanik u Predstavničkom/Zastupničkom domu Parlamentarne skupštine BiH, na 46. sjednici Predstavničkog doma, održanoj 28. marta 2013.godine, postavio je sljedeće poslaničko pitanje:

“Tražim od Savjeta ministara BiH da mi dostavi informaciju o broju službenih lica koja su zaposlena i institucijama BiH, kao što su: Carinska služba BiH, Granična policija, te službenici Uprave za indirektno oporezivanje i drugi službenici, koji su u sprezi sa kriminalnim uvoznim lobijem opteretili budžet BiH za više desetina miliona maraka.

U istom pitanju je i dodatak upućen Tužilaštvu BiH i Upravi za indirektno oporezivanje - Koliko se ovakvih postupaka vodi prema licima koja su se bavila ovakvim kriminalnim aktivnostima?”

Na postavljeno pitanje, Vijeće ministara Bosne i Hercegovine je na 51. sjednici održanoj 28.5.2013.godine, utvrdilo sljedeći

ODGOVOR

U vezi sa nelegalnim uvozom kafe u Bosnu i Hercegovinu, u toku 2011. i 2012.godine, u Upravi za indirektno oporezivanje je pokrenut i proveden disciplinski postupak protiv osam zaposlenih.

U navedenom postupku je utvrđena disciplinska odgovornost tri zaposlena zbog učinjenih teških povreda službene dužnosti iz člana 19. stav 1. Pravilnika o disciplinskoj i materijalnoj odgovornosti zaposlenih - neizvršavanje ili nesavjesno, neblagovremeno i nemarno vršenje povjerenih poslova („Službeni glasnik BiH“, broj: 77/08-u daljem tekstu: Pravilnik), te je istima izrečena disciplinska mjera prestanak radnog odnosa. Navedena disciplinska mjera je izvršena u sva tri slučaja.

Takođe je, u toku 2013.godine, primjenom imperativne odredbe člana 87. stav 1. b) Pravilnika, protiv troje zaposlenih izrečena mjera suspenzije s dužnosti, a nakon stečenog saznanja da je protiv istih određen pritvor, zbog postojanja sumnje da su počinili krivična djela zloupotreba položaja ili ovlašćenja iz člana 220. stav 3. KZ BiH i nesavjestan rad u službi iz člana 224. stav 2. istog zakona, tako što su, u svojstvu ovlašćenih službenih lica Uprave, u nekoliko navrata svjesno propustili da izvrše službenu dužnost-detaljan fizički pregled priključnog vozila i prijavljenog tereta, čime je omogućeno da se u carinski prostor BiH, pod ekspanziranom glinom, ilegalno uveze roba sirova kafa.

Pored toga, u toku 2013.godine, mjera suspenzije s dužnosti, izrečena je protiv još jednog zaposlenog, a nakon saznanja da je protiv njega potvrđena optužnica, i to: kao saizvršioca u krivičnom djelu iz člana 215. KZ BiH - organizovanje grupe ljudi ili udruženja za krijumčarenje ili rasturanje neocarinjene robe, te kao izvršioca krivičnog djela iz člana 217. istog zakona - primanje dara i drugih oblika koristi, a radilo se o krijumčarenju i rasturanju neocarinjene robe-cigareta.

BOSNA I HERCEGOVINA



БОСНА И ХЕРЦЕГОВИНА

01/a-50-1

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-198/13

Datum: 29.11.2013. godine

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI/ZASTUPNIČKI DOM
Trg BiH 1
71 000 Sarajevo

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIJELAZNO		23.12.2013	
Organizaciona jedinica	Klasifikaciona oznaka	Redni broj	Broj priloga
01-50-1-15-46/13			

Predmet: Odgovor na poslaničko pitanje, dostavlja se

Veza: Vaš dopis broj 01/a-50-1-15-46/13

Poštovani,

Tužilaštvo/Tužiteljstvo Bosne i Hercegovine je zaprimilo vaš akt broj 01/a-50-1-15-46/13, kojim tražite dostavljanje odgovora na poslaničko pitanje poslanika Slavka Jovičića u vezi sa brojem krivičnih postupaka protiv službenih lica koja su zaposlena u institucijama BiH, a koja su u sprezi sa kriminalnim uvoznim lobijem.

Povodom navedenog akta, dajemo sljedeći odgovor:

U skladu sa važećim propisima, Tužilaštvo/Tužiteljstvo BiH vodi redovne evidencije počinitelja krivičnih djela, u koje se unose lični podaci o navedenim licima, a koji ne obuhvataju podatke o tome gdje je navedeno lice uposlano i da li ima status službenog lica. Iz ovog razloga, na postavljeno poslaničko pitanje možemo dati adekvatan odgovor jedino ako se ono precizira na način da se isto formuliše po osnovu tačno određenog krivičnog djela, odnosno lica.

S poštovanjem,



GLAVNI TUŽILAC
TUŽILAŠTVA/TUŽITELJSTVA BiH

Goran Salihović